

AUGLÝSING

um starfsleyfi fyrir sjóefnavinnslu Íslenska saltfélagsins hf.

1. Almenn ákvæði.

- 1.1. Starfsleyfi þetta gildir fyrir framleiðslu á allt að 25.000 tonnum af salti (NaCl), 5.000 tonnum af súpersalti (NaCl, 40% KCl, 20% Mg-salt og sporefni) og 500 tonnum af kolsýru á ári.
- 1.2. Fyrirtækið skal sjá svo um að á öllu athafnasvæði þess sé gætt hreinlætis og skal umgengni vera í samræmi við ákvæði laga nr. 81/1988 um hollustuhætti og heilbrigðiseftirlit og reglugerðir settar samkvæmt þeim.
- 1.3. Komi fram skaðleg áhrif á umhverfi verksmiðjunnar eða hætta sem ekki var áður ljós getur Hollustuvernd ríkisins, að höfðu samráði við heilbrigðiseftirlit Suðurnesja, lagt til við umhverfisráðherra að starfsleyfið verði endurskoðað.
- 1.4. Áformi Íslenska saltfélagið hf. umtalsverðar breytingar á rekstri verksmiðjunnar eða stækkun hennar, skal greina Hollustuvernd ríkisins og heilbrigðiseftirliti Suðurnesja skriflega frá því.
- 1.5. Tilkynna skal Hollustuvernd ríkisins ef áætlað er að stöðva starfsemi verksmiðjunnar um lengri tíma.
- 1.6. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

2. Varnir gegn mengun ytra umhverfis.

2.1. Vatn.

- 2.1.1. Frárennsli frá snyrtingum og eldhúsi skal leiða í rotþró og þaðan í jaðrveg eða sandsíu, eða frá því gengið með öðrum viðurkenndum hætti að mati heilbrigðiseftirlits Suðurnesja.
- 2.1.2. Hönnun rotþróa skal vera í samræmi við leiðbeiningar útgefnar af Hollustuvernd ríkisins. Rotþrær skal tæma reglulega í samráði við heilbrigðiseftirlit Suðurnesja.
- 2.1.3. Leyfilegt er að leiða affallsvatn (þéttivatn, jarðsjó, kælivatn og skolvatn) frá framleiðslunni út í nærliggjandi lón, meðan það veldur ekki stækkun lónsins umfram það sem kveðið er á um í grein 2.1.5. Fella skal kísil út úr vatninu áður en það berst í lónið, eftir því sem kostur er.
- 2.1.4. Fylgst skal með stærð lónsins. Fastmerkjum skal komið fyrir til þess að auðveldara sé að fylgjast með breytingum. Merkingar skulu gerðar í samráði við sérfræðinga Orkustofnunar. Bendi athuganir til að lónið hafi stækkað að ráði skal það kannað nánar með því að taka loftmynd af svæðinu.
- 2.1.5. Fyrirtækið skal með videigandi ráðstöfunum koma í veg fyrir stækkun lónsins. ekki skal þó gerð athugasemd við það þó lónið stækki um 10%. Sem viðmiðun skal miða stærð lónsins við loftmynd sem tekin skal innan eins árs frá útgáfu þessa starfsleyfis.
- 2.1.6. Fyrirtækið skal, í samvinnu við Hollustuvernd ríkisins, Orkustofnun og heilbrigðiseftirlit Suðurnesja, leita leiða sem ekki hafi í för með sér frekari umhverfisröskun, til að leiða á brott affallsvatnið og draga þannig úr stækkun lónsins. Skal lokið áætlun um það hvernig að þessu skuli staðið innan tveggja ára frá útgáfu þessa starfsleyfis.
- 2.1.7. Þar sem notaðar eru sýrur eða basar við framleiðsluna skal þess gætt að sýrustig frárennslis sé á bilinu pH 5,5-10.

2.2. Sérstakur úrgangur og losun sorps.

- 2.2.1. Íslenska saltfélagið hf. skal leita leiða til að nýta allan sérstakan úrgang sem til fellur við framleiðsluna, þar með talinn kísil.

- 2.2.2. Meðan ekki hafa fundist leiðir til að nýta kísil sem til fellur við framleiðsluna, skal heimilt að farga efninu í sjó eða á landi í nágrenni verksmiðjunnar, í samráði við heilbrigðiseftirlit Suðurnesja. Hlutar af fyllingu, þar sem förgun er lokið, skulu huldur þekjuefni sem fellur að umhverfinu.
- 2.2.3. Sorpi, umbúðum og þess konar framleiðsluúrgangi skal safnað í gáma eða önnur þar til gerð ílát og síðan fargað í sorpeyðingarstöð Suðurnesja eða á öðrum förgunarstað viðurkenndum af heilbrigðiseftirliti Suðurnesja. Opin brennsla til förgunar hvers konar úrgangs á verksmiðjusvæðinu er óheimil.

2.3. Hávaði.

- 2.3.1. Íslenska saltfélagið hf. skal eftir fremsta megni leitast við að draga úr hávaða frá verksmiðjunni.

3. Mælingar, rekstrareftirlit.

- 3.1. Íslenska saltfélagið hf. skal fylgjast með efnainnihaldi affallsvatnsins sem rennur í lónið. Taka skal sýni við frárennslisstútt verksmiðjunnar a.m.k. einu sinni á ári og láta viðurkenndan aðila efnagreina Cu, Zn, Cd, Pd, Hg, Mn, Co, Ni innihald. Niðurstöður efnagreininga skulu sendar Hollustuvernd ríkisins og heilbrigðiseftirliti Suðurnesja.
- 3.2. Endurskoða skal mælingar samkvæmt grein 3.1. ef Íslenska saltfélagið hf. eða Hollustuvernd ríkisins óska eftir því á tveggja ára fresti.

4. Eftirlitsgjöld.

- 4.1. Sjóefnavinnsla Íslenska saltfélagsins hf. fellur í þriðja gjaldskrárflokk samkvæmt mengunarvarnareglugerð nr. 389/1990, viðauka 8, og skal fyrirtækið greiða Hollustuvernd ríkisins eftirlitsgjald í samræmi við ákvæði gjaldskrár. Gjald þetta skal standa undir kostnaði við sérhæft eftirlit Hollustuverndar ríkisins, sbr. þriðja kafla reglugerðarinnar. Fyrirtækið skal jafnframt, í samráði við Hollustuvernd ríkisins, sjá um þær mælingar sem kveðið er á um hér að framan.

5. Gildistaka.

- 5.1. Starfsleyfi þetta gildir til 1. janúar 2017 og er veitt í samræmi við mengunarvarnareglugerð nr. 389/1990, gr. 8.4, um starfsleyfi fyrir atvinnurekstur sem getur haft í för með sér mengun. Starfsleyfið öðlast gildi við birtingu.

Umhverfissráðuneytið, 24. apríl 1991.

Július Sólnes.

Sigurbjörg Sæmundsdóttir.

REGLUR

um hreindýraráð.

1. gr.

Umhverfissráðuneytið fer með yfirstjórn þeirra mála sem um ræðir í reglum þessum.

2. gr.

Hreindýr skulu fríðuð fyrir skotum og öðrum veiðivélum.

Nú telur umhverfissráðuneytið, að fenginni umsögn veiðistjóra og hreindýraráðs, skv. 3. gr., að hreindýrastofninn sé það stór að honum stafi ekki hætta af veiðum, og skal veiðum þá hagað með þeim hætti, sem segir í reglum þessum.